

NSEK NDIŌ KE CHRIST

Mme Hebrew 5:12-14; 6:1-12.

ŌYŌHŌ UKPEP-ŊKPO 437

Eke Mkparawa

IKŌ IBUOT: “Edi usuñ nti owo ebiet uñwana eke asiahade, aka iso ayama tutu osim, ufŌt uwemeyo” (Mme Ŋke 4:18).

Mme owo eke ekabarede esit ekpoñ idiŌk-ŋkpo mmŌ, enyuñ eyakde esit mmŌ enŌ Ōboñ etŌñ nta emana obufa, emana eduk ke obufa uwem. Ŋwed Abasi etiñ ŋnŌ nnyin ete ke ini owo edide anditiene-Christ, enye edi “obufa” (2 Ŋwed Corinth 5:17). Paul ŋko okot mbufa mme anditiene Christ “nsek nditŌ ke Christ” (1 Corinth 3:1). MmŌ etŌtŌñ isañ ke usuñ mme anditiene-Christ, inyuñ idiŌñŌke kaña kpukpru se akpanade nte mmŌ ediŌñŌ ebaña ke ukpep-ŋkpo Christ.

NditŌñŌ Nte Nsek Eyen

Nnyin inanake ifiŌk ibaña ite ke ini kiet owo ekedi nsek eyen; owo kiet-kiet ŌtŌñŌ uwem esie nte nsek eyen. Edi baba owo kiet isuhŌke nte nsek eyen ke ata anyan ini. Ndusuk nditŌ ekeme ndiduŌ udŌñŌ eke ŌbiŌñŌde mmŌ ŋkŌri, enyuñ ekabade emuhŌ ke idaha. Ndusuk, udŌñŌ ekeme ndibiŌñŌ ekese mmŌ ndisŌp nsaña, enyuñ ebiomo ndo ke ofuri eyo uwem mmŌ. Edi mme ŋkpo oro edi mme unŌmŌ emi kpukpru owo edomode ndifep ke uwem.

Inaha nte nnyin iyom ndisuk nte nte ŋkpri nditŌ ke ini uwem nnyin nte mme anditiene-Christ. Nnyin iyom ndidi mme anditiene-Christ emi enyenede nsŌñidem, emi ekŌride ewŌrŌ edi owo, mme anditiene-Christ emi ekemede ndisŌñŌ nda, mminyuñ ifiakke edem ke ini ŋkpo ubiŌñŌ ŌwŌrŌde ŋnŌ mmŌ, me ke ini andidiŌk odomode ndibiaña mmŌ ke ima ŋkpo uwem emi. Mme anditiene-Christ eke ekopde nsŌñidem ana enyene eti udia, ndien eti udia nnyin edi IkŌ Abasi Nnyin imŌfiŌk ntre, koro Jesus ama ŌdŌhŌ ete: “Ami ndi uyo uwem: owo eke etienede Mi idikpaha biŌñ, owo eke onyuñ ŌbuŌtde idem ye Ami idikopke nsat-itŌñ tutu amama” (John 6:35). Etiñ enŌ nnyin ke itie efen ete, “IkŌ akabare edi obukidem onyuñ oduñ ye nnyin” (John 1:14), oro ekedi Jesus. Ke ntre, ŋkukure usuñ eke nnyin inyenede ŋdikŌri ndi nti mme anditiene-Christ edi ndisin ifik mkpep IkŌ Abasi. Nsek eyen eke enyenede nsŌñidem oyom ediwak mmŌñ eba, ke ntre anditiene-Christ eke enyenede nsŌñidem ana oyom “ata mmŌñ-eba Spirit” man añwam enye ndida ŋkŌri (1 Peter 2:2).

Ndidia ŌkpŌsŌñ Udia

Ke ŌfiŌñ ifañ ebete nsekeyen iyuhŌke kaña ye mmŌñ-eba, do ke etŌñŌ ndinŌ enye esisit udia, ndien ke ini esisit ebete, ke enye ama ekeme ndita ŋkpo, etŌñŌ ndinŌ enye udia ini kiet. Nte ikpanaha nte mme anditiene-Christ ekŌri ke utŌ usuñ ntem, enyuñ eka iso tutu ebŌ “ŌkpŌsŌñ udia,” utu ke ndisuk ŋka iso ŋwŌñ mmŌñ-eba? Oro ŌwŌrŌ ete ke enye eyekeme ndinam ntŌtuñŌ nyak idem, enye eyeka iso enyene uko ndinam mme item eke odude ke ŋwed Abasi, onyuñ enyene odudu eke okponde akan ndikan idiŌk-ŋkpo. Enye eyenyene ima Abasi eke okponde akan ke esit esie.

Nte akananam afo ŌmŌdŌhŌ ete “Mbufo emekpri ekaha,” ke ini ŋkpri nditŌwŌñ eke ekpride ekan fi eyomde ndibre mbre ye afo? Nte akananam omodomo ndifehe ŋkpoñ ŋkpri nditŌwŌñ ke ini mmŌ eyirede fi ke idem? Afo ekere ete ke ŋkpri nditŌ oro idiŌñŌke idem; edi ke ini mmŌ ekŌride edi ikpo owo enyuñ enyenede ifiŌk nte afo ekerede, eyekut ete ke mmŌ edi ufan inemesit.

Idaha fo okpon didie ke ŋkpo spirit tŌñŌ nte Ōboñ akanyaña ukpoñ fo? Nte emenyene “ifiŌk okpon akan” mme osuk edi “ekpri ŋkpo iyatesit”? Paul ŌkŌdŌhŌ ete: ŌkpŌsŌñ udia enyene mmŌ emi ema ekokoñ ewŌrŌ idaha, kpa mmŌ emi otode ke nnam-mehe mmŌ ema ekŌ ifiŌk ndidiŌñŌ se ifŌnde ye se idiŌkde” (Mme Hebrew 5:14). Inaha nte nditŌwŌñ ekabare esŌñ mbemiso mmŌ ekpep ŌyŌhŌ IkŌ Abasi eke mmŌ ekemede ndida ŋkpep mbon efen. Ndikokop IkŌ ikpoñ-ikpoñ ikemke ndinŌ nnyin ifiŌk spirit. Ana nte ida IkŌ Abasi isin ke uwem nnyin edieke anade nte nnyin itie “ke mfŌn ye ifiŌk Ōboñ ye Andinyaña nnyin Jesus Christ ekŌri ŋkŌri” (2 Peter 3:18).

Ke ini Paul, Owo-mbet ekewetde n̄wed ọ̀nọ esọk mme Hebrew emi edide nditọ Abasi, enye ọ̀kọdọhọ ete, “sia utọn mbufo ema ekabare edobi” (Hebrew 5:11). Ekeme ndidi mmọ ema ekpañ utọn enọ ukwọrọ ikọ Paul, ye mme ọ̀kwọrọ ikọ mbaña Christ eken, edi mmọ ikayakke ikọ oduk ke esit mmọ. Mmọ ikonọhọ mkpañ utọn, inyuñ ikpepke n̄kpọ ito se mmọ ekekopde. Nnyin iwak ndidọhọ ite, ndusuk n̄kpọ eke nnyin itiñde ekeme ndiduk utọn kiet edi ọ̀wọrọ ke n̄kañ eken. Owo emi okokopde inyeneke ufọn ito ikọ oro enye okokopde.

Ndiseme Idem

Ufọn edu ndinyene nti mme andikpep Ikọ Abasi, ke ntre owo kiet kiet ana ọ̀tọnọ ndibọ ukpep̄nkpọ ke ndo ndo oro enye ọ̀bọde erinyaña ukpọn man ekeme ndisọp mkpep mbon efen nko. Edi ndusuk owo idomoke ndisọp mbọ ukpep̄nkpọ. Mmọ eyom mbon efen eñwam mme imọ. Mmọ eyom ndisuhọ nte nsek nditọ enyuñ eyom owo efen añwam mmọ ndisaña isañ. Utu ke mmọ ndiwọrọ nkese mbon udọnọ, nyuñ ndi uñwam nnọ mmọ eken, mmọ esuk etie ke ufọk etua idem mmọ mbọm koro ikwe owo eke edide edise mmọ. Ata eti usuñ ndifre mbaña mfina fo, edieke enyenede mfina kiet ekededi, edi ndiyom owo efen emi enyenede mfina eke ọ̀sọnde akan okwo, nnyuñ nam se ekemedede ndiñwam enye. Nte akananam omokop n̄ke emi, “N̄katua eyet koro menyeneke ikpa ukot, tutu nsaña nkosobo ye owo emi minyeneke ikpat ndomokiet”? Ekpetie didie edieke inyenede mme mkpọsọn ebiet ke uwem nnyin ndisaña mbe? Jehovah ama ọ̀wọnọ ndibet ke n̄kañ nnyin ndinọ nnyin uñwam. Nnyin inyeneke ndifehe ndik ndomokiet.

Yak nnyin itie nte Caleb ye Joshua emi ke ini mbon uyep eken emi ekekade ndiyep isọn Canaan eketuañade eyet ke ntak emi mmọ ekekutde nnyan owo ke isọn oro, Caleb ye Joshua edọhọ ete; “Edieke nnyin inemde Jehovah esit, Enye eyeda nnyin oduk ke isọn oro, onyuñ ada enye ọ̀nọ nnyin; isọn emi ọ̀fiọrọde mmọn-eba ye aran-ọ̀kwọk” (Number 14:8). Oro edi ndedibe usuñ eke anditiene-Christ enyenede edikan ndidu utọ uwem eke enende ke enyin Abasi. Ndien Enye eyenọ edikan kpukpru ini. “ama edi mmọ eke eneñerede esaña, enye isinke mmọ nti n̄kpọ” (Psalm 84:11).

Eyaña Eto Ke Jesus

Paul ama ada ediwak ukwọrọ ikọ esie ndinam añwaña nditọ Hebrew ke Jesus ekedi Eyen Abasi ke akpanikọ. Edi enye ama enyene ediwak n̄kpọ efen ndikwọrọ mbaña. Ete “Buot idem ye Ọ̀bọn Jesus, ndien eyenyaña fi ye ufọk fo” (Utom Mme Apostle 16:31), edi eti n̄tọnọ ọ̀nọ anditiene-Christ. Owo ndomokiet ikemeke ndibọ erinyaña ukpọn ibọhọke enye onim ke akpanikọ ete ke Jesus edi Eyen Abasi. Mme Jew ekenyene idorenyin ete ke Messiah eyedi, edi ediwak mmọ ikonimke ke Jesus ekedi owo emi mmọ ekedoride enyin ndikut. Ke ntre mmọ ikobọhọ erinyaña. “Enye ekedi ke ebiet Esiemọ, edi mmọ emi edide iman Esiemọ idarake Enye. Edi kpukpru owo eke edarade Enye, Enye ọ̀nọ mmọ unen ndikabare ndi nditọ Abasi, kpa mmọ emi ebuotidem ke enyiñ Esie” (John 1:11, 12). Oro ama ọ̀fọn, edi ekedi ntọnọ kaña.

Mfọn Mma Anditiene-Christ

Ke ima ikọbọ erinyaña ukpọn, ana ika iso ifọn ima. Oro ọ̀tọnọ ye edinam asana emi esikotde mfọn mma eyen Abasi. Ima Abasi awak eti eti emi ke ndusuk ini edade edomo ye inyañ ibom. Andiwet ikwọ kiet ekewet ete;

**“Añwaña ‘te inyañ
Okon ‘te ikpa enyọn
Ọtuñọ ‘t udem inyañ
Ima Ọbọn mi.”**

Nnyin iyenyene ima Abasi eti eti ke esit nnyin nte nnyin isuk ikade iso ndinam n̄kpọ nnọ Jehovah nyuñ nsinifik n̄yom Abasi ke kpukpru edidiọn emi Enye akamade ndinọ nnyin. Ke ini nnyin ibọde uduok-mmọn Edisana Spirit isin ke esit eke enamde asana, nnyin imenyene ọ̀yọhọ ọ̀yọhọ udomo ima Abasi.

Edieke mme owo miyomke ntọtuñọ n̄kpọ Abasi, mmọ edu ke idiok idaha nditaba se mmọ enyenede. Abasi ọ̀yọhọ ye mbọm, ndien ke ini owo ọ̀fiọnọde ọ̀kpọn usuñ Abasi onyuñ afiakadem, Enye eyefen ke ini owo oro akabare esit.

Akpatre Itie Mfiak-edem

Edi ndusuk isoñọke ida ke mbuotidem. Mmọ esifiak edem, enyuñ etoñọ ntak enam ntre, tutu ke akpatre eka anyan usuñ ekpọñ Abasi nte Enye mikemeke nditiñ ikọ nnọ mmọ aba. Editie didie edieke Abasi mikemeke nditiñ ikọ nnọ mmọ aba? Mmọ ekeme nditaba kpukpru ifet ndibọ erinyaña ukpọñ. Adaña ini nte Spirit Abasi akade iso ndibiom owo mfiak edem ikpe, idorenyin odu ọnọ enye ndifiak ntiene Jehovah, edi ke ini Spirit Abasi mikotke enye ete akabaresit, enye ama aka anyan usuñ, enye osim itie mfiakedem. Ini kiet ekededi emi owo afiakde edem, etie nte ñkpọ eke enye ọtoñode ntak ọkọñ Jesus ọyọhọ ikaba ke krọs. Okoto ke ntak idiokñkpọ nnyin ke Jesus akakpa, ke ntre inaha nte nnyin itoñọ ntak inam idiokñkpọ aba ke ima ikọbọ erinyaña ukpọñ. Nso utọ akwa ndiok-iso edi oro ọnọ owo eke ama ọkọbọ erinyaña ndifiak edem ke usuñ nte enye mikemeke aba ndikop uyo ikot Spirit Abasi! Nnyin iyom ndidu ke otu mmọ oro Paul eketiñde abaña ete, mmọ, “ke mbuotidem ye ime ebọ mme uñwọñọ Abasi enyene.” Ke ukpep ñkpọ nnyin efen nnyin iyetiñ ñkpọ ibaña se idide mme uñwọñọ oro.

MME MBUME

- 1 Nso idi akpa udia nsek eyen?
- 2 Nso ñkpọ ke enye adia ke ama ọtoñọ ndikpon owo?
- 3 Mme anie edi nsek nditọ ke Christ?
- 4 Didie ke nsek nditọ ke Christ ekori nkori?
- 5 Ke ewe usuñ ke Cleb ye Joshua ekekpuhọre ye mbon uyep eken?
- 6 Nso ikedi ibibio usuñ mmọ ndibọ edidiọñ Abasi nnyene?
- 7 Nso ñkpọ ida itie ke uwem owo emi awakde ndifiak edem kpukpru ini?
- 8 Ke ewe usuñ ke nnyin ikeme ndida mme eñwọñọ Abasi nnyene?